



Ned ning sēn so arzūm raar genaab koom, rē poorē n kēng pīnda, yaa wala a maana doaag ne yugemde

Yii a Abu Hurayrat nengē, (Wēnd yard be a yīnga), ti Wēnd Tēn-tuuma, (Wēnd puusg la A tulgr be a yīnga) yeelame: «Ned ning sēn so arzūm raar genaab koom, rē poorē n kēng pīnda, yaa wala a maana doaag ne yugemde, la ned ning sēn kēnga wakat a yiibā, yaa wala a maana doaag ne naafo, la ned ning sēn kēnga wakat a tāabā, yaa wala a maana doaag ne pesg sēn tar yūla, la ned ning sēn kēnga wakat a naasā, yaa wala a maana doaag ne noaaga, la ned ning sēn kēnga wakat a nu wā, yaa wala a maana doaag ne gelle, la limaamā sā n yi malegsā watame n kelgd Tēegrā».

[Naṣun Ṣahuhun (Gom-sikdem sēn manege)] [B zemsā taab a zugu (A Al-Buḥariy la a Muslim n reeg-a)]

Nabiyaamā kōta kibare (Wēnd puusg la A tulgr be a yīnga) kēng pīnd n tug arzūmā Puusgē wā yel-sōmde, la a sungda ne wīndgā pukr n tug n tāag limaamā waoongo, a yaa wakat a nu, ti b put-a-la boag a nu n zems ne wīndgā pukri n tug tāag limaamā kōom la a mimbarā ruubo: Rēenemā: Ned ning sēn so koom n pids wala genaam koom, rē poorē n kēng arzūm miisrē wā, rēenem wakatā, yaa wala a maana doaag ne yugemde. Yiib soaba: ned ning sēn kēnga wakat a yiibā, yaa wala a maana doaag ne naafo. Tāab soaba: ned ning sēn kēnga wakat a tāabā, yaa wala a maana doaag ne pe-raoog sēn tar yūla. Naas soaba: ned ning sēn kēnga wakat a naasā, yaa wala a maana doaag ne noaaga. Nu soaba: ned ning sēn kēnga wakat a nu wā, yaa wala a maana doaag ne gelle. La limaamā sā n yi n na n maan hutbā wā, malegsā sēn zī ragnoyē wā n gulsd miisrā rēenem kēedbā la sēn pugdbā, b yalsda gulsgā, la b wa n kelgd Tēegrā la Hutbā.

<https://sunnah.global/hadeeth/mos/show/5393>

